

**ЎЗБЕКИСТОН РЕСПУБЛИКАСИ**  
**ОЛИЙ ВА ЎРТА МАХСУС ТАЪЛИМ ВАЗИРЛИГИ**  
**ТОШКЕНТ ДАВЛАТ ИҚТИСОДИЁТ УНИВЕРСИТЕТИ**

Қўлёзма ҳуқуқида  
УДК: 336:658 (575.1)

**ИРГАШЕВ ДИЛМУРОД ИКРОМОВИЧ**

**КОРХОНАЛАРДА ФОЙДАНИНГ ШАКЛЛАНИШИ ВА**  
**ТАҚСИМЛАНИШИНИ БОШҚАРИШ ТИЗИМИНИ**  
**ТАКОМИЛЛАШТИРИШ**

**08.00.07 - “Молия, пул муомаласи ва кредит” ихтисослиги**

**Иқтисодиёт фанлари бўйича фалсафа доктори (PhD) илмий даражасини**  
**олиш учун ёзилган**  
**ДИССЕРТАЦИЯ**

**Илмий раҳбар:**  
**иқтисодиёт фанлари доктори,**  
**профессор Р.Х. Карлибаева**

**ТОШКЕНТ–2022**

## МУНДАРИЖА

<b>КИРИШ</b> .....		3
<b>I-БОБ.</b>	<b>КОРХОНАЛАРДА ФОЙДАНИНГ ШАКЛЛАНИШИ ВА ТАҚСИМЛАНИШИНИ БОШҚАРИШ ТИЗИМИНИНГ ИЛМИЙ-НАЗАРИЙ АСОСЛАРИ</b> .....	<b>13</b>
1.1.	Фойданинг иқтисодий категория сифатидаги мазмуни ва унга оид назарий қарашларнинг концептуал асослари .....	13
1.2.	Корхоналарда фойданинг шаклланиши ва тақсимланишини бошқаришнинг мақсади ва вазифалари.....	35
1.3.	Корхоналарда фойданинг шаклланиши ва тақсимланишини бошқаришнинг умумий ва хусусий тамойиллари.....	48
	Биринчи боб бўйича хулосалар.....	60
<b>2-БОБ.</b>	<b>КОРХОНАЛАРДА ФОЙДАНИНГ ШАКЛЛАНИШИ ВА ТАҚСИМЛАНИШИНИ БОШҚАРИШ АМАЛИЁТИНИНГ ТАҲЛИЛИ</b> .....	<b>62</b>
2.1.	Корхоналарда актив ва пасивларни мувозанатли бошқаришнинг соф фойдани самарали шаклланишига таъсири.....	62
2.2.	Корхоналарда фойданинг шаклланиш манбалари ва уни бошқариш амалиётининг таҳлили.....	93
2.3.	Операцион фойда омилининг корхоналар реал бозор қийматига таъсирини баҳолаш моделини ишлаб чиқиш.....	106
	Иккинчи боб бўйича хулосалар.....	111
<b>3-БОБ.</b>	<b>КОРХОНАЛАРДА ФОЙДАНИНГ ШАКЛЛАНИШИ ВА ОПТИМАЛ ТАҚСИМЛАНИШИНИ БОШҚАРИШ ТИЗИМИНИ ТАКОМИЛЛАШТИРИШ</b> .....	<b>113</b>
3.1.	Корхоналарда фойданинг тақсимланишини бошқаришни такомиллаштириш бўйича чора-тадбирларни ишлаб чиқиш.....	113
3.2.	Фойданинг тақсимланишини бошқаришнинг комплекс тизимини ишлаб чиқиш орқали рентабеллик кўрсаткичини оптималлаштириш йўллари.....	125
3.3.	Корхоналарда фойдани оптимал тақсимлашни бошқаришда дивиденд сиёсатини такомиллаштириш.....	131
	Учинчи боб бўйича хулосалар.....	142
<b>ХУЛОСА</b> .....		<b>144</b>
<b>ФОЙДАЛАНИЛГАН АДАБИЁТЛАР РЎЙХАТИ</b> .....		<b>149</b>

**Диссертация мавзусининг долзарблиги ва зарурлиги.** Жаҳонда йирик компанияларнинг даромадлилик кўрсаткичини ошириш, уларнинг акциялари қийматини ва бозор капиталлашув даражасини юксалтириш борасида қатор чора-тадбирлар амалга оширилмоқда. «Жумладан, ушбу рейтингда етакчилик қилувчи «Apple» компанияси ижобий молиявий натижаларни кўрсатди. Унинг даромади 2020 йилда 365 миллиард долларга етиб, ўз фойдасини аввалги йилга нисбатан 100 миллиард долларга оширишга муваффақ бўлди. Натижада, компаниянинг бозор капиталлашуви 2,66 триллион долларни ташкил этиб, қимматли қоғозлар даромадлилиги йил давомида 31% га ошган. «Samsung» компаниясининг операцион фойдаси 2020 йилда 32,1 миллиард долларни ташкил этиб, 29,62 фоизга ошган. Компаниянинг ушбу йилдаги умумий савдоси 161,9 миллиард долларга етиб, 2,78 фоизга ошган»<sup>1</sup>. Шундай экан, юқори даромадга эришишда корхоналар фойдасининг шаклланиши ва уни оқилона тақсимлашда самарали бошқарув тизимини яратилганлиги жаҳон иқтисодиётининг ривожланишига ўзининг ижобий таъсирини кўрсатмоқда.

Жаҳонда корхоналар фойдасининг шаклланиши ва тақсимланишини бошқариш бўйича олиб борилаётган илмий тадқиқотларда жорий активлар таркибидаги муомала фондларини камайтириш орқали молиявий эксплуатацион эҳтиёжларни минималлаштириш, соф фойда кўрсаткичи негизида интенсив иқтисодий ўсишни таъминлашга йўналтирилган бошқарув қарорларини қабул қилиш, акциядорлик жамиятлари фойдасини самарали бошқаришнинг асосий мезонларини белгилаш, соф фойдани таркибий элементи сифатида тақсимланмаган фойда ҳисобига ички молиявий захираларини ошириш, дивиденд сиёсатини оптималлаштириш каби йўналишларда илмий тадқиқотлар олиб борилмоқда.

Ўзбекистонда иқтисодий ўзгаришлар шароитида акциядорлик жамиятлари фаолият юритишининг янги механизмини ишлаб чиқиш ва

---

<sup>1</sup> <https://finance.rambler.ru/business/45698585-nazvana-operatsionnaya-pribyl-kompanii-samsung-electronics-za-2020-god/>

такомиллаштириш, улар билан давлат ўртасидаги иқтисодий муносабатларнинг сифат жиҳатидан янги шаклига ўтказиш, барча ривожланиш жараёнига таъсир кўрсатадиган, шу жумладан иқтисодий фаолият натижалари сифатида фойдани шаклланиши ва уни оқилона тақсимлаш механизмларини жорий этишга алоҳида эътибор қаратилмоқда. Акциядорлик жамиятлари фойдасини шакллантириш ва тақсимлаш жараёнларини бошқариш, бугун тез ўзгарувчан бозор омиллари шароитида тизимли тавсифга эга эмаслигини кўрсатмоқда. Бу каби ҳолатларни ёғ-мой маҳсулотларини ишлаб чиқарувчи корхоналаримиз фаолиятида ҳам кузатиш мумкин. Бундан ташқари, комплекс «фойда» категориясидаги назарий талқинларнинг хилма-хиллиги, фойданинг иқтисодий категория сифатидаги функционал вазифаларига хос полисемантик тавсифдаги қарашлар, замонавий бозор шарт-шароитларига хос ўзгаришларни ҳисобга олган ҳолда фойдани шакллантириш ва тақсимлаш тизимининг умумий методологик тамойилларини қайта кўриб чиқишни тақозо этмоқда. Давлатимиз раҳбарининг 2019 йил 16 январдаги ПҚ-4118-сон «Ёғ-мой тармоғини янада ривожлантириш бўйича қўшимча чора-тадбирлар ва соҳани бошқаришда бозор механизмларини жорий этиш тўғрисида»ги қарори айнан ёғ-мой тармоғида самарали бошқарув тизимини жорий этишга қаратилганлиги билан аҳамиятлидир. Шу муносабат билан корхоналар бошқарувининг ўзига хос хусусиятларини ҳисобга олган ҳолда фойдани шаклланиши ва тақсимланишини бошқариш бўйича тадқиқотларнинг долзарблиги муҳим аҳамият касб этмоқда.

Ўзбекистон Республикаси Президентининг 2022 йил 28 январдаги ПФ-60-сон «2022-2026 йилларга мўлжалланган Янги Ўзбекистоннинг тараққиёт стратегияси тўғрисида»ги, 2019 йил 8 январдаги ПФ-5614-сон «Иқтисодиётни янада ривожлантириш ва иқтисодий сиёсат самарадорлигини оширишнинг қўшимча чора-тадбирлари тўғрисида»ги фармонлари шунингдек, 2020 йил 28 декабрдаги ПҚ-4937-сон «Ўзбекистон Республикасининг 2021-2023 йилларга мўлжалланган инвестиция дастурини

амалга ошириш чора-тадбирлари тўғрисида»ги, 2019 йил 16 январдаги ПҚ-4118-сон «Ёғ-мой тармоғини янада ривожлантириш бўйича қўшимча чора-тадбирлар ва соҳани бошқаришда бозор механизмларини жорий этиш тўғрисида»ги қарорлари ҳамда ушбу фаолиятга тегишли бошқа норматив-ҳуқуқий ҳужжатларда белгиланган вазифаларни амалга оширишга мазкур диссертация тадқиқоти муайян даражада хизмат қилади.

**Тадқиқотнинг республика фан ва технологиялари ривожланишининг устувор йўналишларига мослиги.** Диссертация республика фан ва технологиялари ривожланишининг I. «Демократик ва ҳуқуқий жамиятни маънавий, ахлоқий ҳамда маданий-маърифий ривожлантириш, инновацион иқтисодиётни шакллантириш» устувор йўналишига мувофиқ бажарилган.

**Муаммонинг ўрганилганлик даражаси.** Корхоналар фойдасини бошқаришнинг илмий-назарий ва ташкилий-иқтисодий асосларини қамраб олувчи тадқиқотлар қатор хорижий олим ва мутахассислар, жумладан, М.Блауг, Т.Манн, Ж.Кольбер, Ч.Деванант, У.Петти, А.Смит, Д.Риккардо, С.Жевонс, С.Менгер, Э.Бем Баверк, Л.Валрас, Ж.Кларк, Р.Кантильон, М.Фужита, Ш.Вебер, Т.Веблен, К.Макконел, С.Брю, Ф.Найт, Р.Брейли, С.Майерс ва Й.Шумпетерларнинг илмий тадқиқотларида кенг кўриб ўтилган<sup>2</sup>.

МДХ мамлакатлари иқтисодчи олимларидан В.Бочаров, Л.Бернстайн, И.Бланк, Т.Керанчук, Т.Ковалева, В.Ковалёв, В.Леонтёв, В.Мануйленко, Н.Селезнева, А.Ионова, А.Шеремет, Г.Шмален ва бошқалар томонидан ўрганилган<sup>3</sup>.

---

<sup>2</sup> Блауг М., Веблен Т. 100 великих экономистов до Кейнса-Great Economists before Keynes: An introduction to the lives & works of one hundred great economists of the past. - СПб.: Экономикс, 2008. - 352 с.; Макконел К.Р., Брю С.Л. Экономикс: принципы, проблемы и политика: Учебник 1-здан. - М.: Инфра-М, 2014. - 916 с.; Смит А. Исследование о природе и причинах богатства народов. - М.: Эксмо, 2007. - 960 с. Fujita M. Thünen and the New Economic Geography. RIETI Discussion Paper Series 11-E-074 (2011). Фуджита М., Вебер Ш. Иммиграционные квоты в глобализованной экономике // Журнал Новой экономической ассоциации. 2010. № 7. 10-23 с.; Найт Ф.Х. Риск, неопределенность и прибыль: пер. с англ. - М.: Дело, 2003. - 360 с.; Брейли Р. Майерс С. Причины корпоративных финансов: пер. с англ. - М.: ЗАО «Олимп-Бизнес», 1997. - 1120 с.; Шумпетер Й. История экономического анализа. - СПб.: Экономическая школа, 2001. «Parag Pathak, Clark Medalist 2018». American Economic Association. Retrieved 20 April 2018. R.Cantillon «Essai sur la Nature du Commerce en Гийнға» // Part I, Chapter XIII, 1755.

<sup>3</sup> Бочаров В.В., Леонтёв В.Е. Корпоративные финансы. - СПб.: Питер, 2008. - 424 с.; Бернстайн Л.А. Анализ финансовой отчетности: теория, практика и интерпретация: пер. с англ. // Научн. ред. перевода чл. - корр. РАН

Маҳаллий иқтисодчи олимлардан К.Ахмаджанов, А.Ваҳобов, Д.Зайналов, Р.Карлибаева, М.Хамидуллин, О.Иминов, О.Олимжонов, Б.Хасанов, М.Пардаев, К.Шарифхўжаева, Т.Саттаров, Х.Қурбонов, Б.Ташмуродова, М.Тўлаходжаева, С.Элмирзаев, Н.Жиянова, С.С.Алиева ва бошқалар фойдани бошқаришнинг илмий-амалий асосларини ривожланишига катта ҳисса қўшган<sup>4</sup>.

Ушбу мавзу доирасида амалга оширилган илмий тадқиқот ишлари, бу борада олиб борилган илмий-назарий изланишларга қарамасдан, айнан корхоналарда фойданинг шаклланиши ва тақсимланишини бошқариш тизимини такомиллаштириш масалалари комплекс ва тизимли тарзда тўлиқ ўрганилмаган. Мазкур ҳолат диссертация ишида тадқиқ этилган илмий-амалий муаммолар ва уларни бартараф этиш юзасидан ишлаб чиқилган таклиф ва тавсияларнинг долзарблик даражасини белгилаб беради.

**Диссертация тадқиқотининг диссертация бажарилган олий таълим муассасаси илмий-тадқиқот ишлари режалари билан боғлиқлиги.** Диссертация иши Тошкент давлат иқтисодиёт университетининг «Ўзбекистонда ижтимоий-иқтисодий ривожланишнинг макроиқтисодий барқарорлиги ва прогнозлаштирилишини таъминлашнинг илмий-услубий

---

Елисеева И.И. - М.: Финансы и статистика, 1996. - 333 с.; Бланк И. А. Управление прибылью. - К.: Изд-во «Ника-Центр», 2007.-768 с.; Керанчук Т.Л. Концепція вартісно-орієнтованого управління підприємством та можливості її адаптації в Україні // Фінанси України. 2011. № 7.; Ковалева Т.М. Финансы и кредит: электрон. учеб. курс/под ред. Ковалевой Т. - М.: 2010. - 533 с.; Мануйленко В.В. Экономическая сущность, виды и функции прибыли хозяйствующего субъекта: современный аспект // Финансовая аналитика: проблемы и решения. 2012. № 33. - 2-11 с.; Селезнева Н.Н., Ионова А.Ф. Финансовый анализ. Управление финансами. - М.: ЮНИТИ-ДАНА, 2008. - 295 с.; Леонтьев В.Е., Бочаров В.В. Финансовый менеджмент. - М.: Элит, 2005. - 304 с.; Шеремет А.Д., Сайфулин Р.С. Финансы предприятия. - М.: ИНФРА, 2008. - 343 с.; Шмален Г. Основы и проблемы экономики предприятия: пер. с нем. // Под. ред. проф. Поршнева А.Г. - М.: Финансы и статистика, 2007. - 512 с.

<sup>4</sup> Зайналов Д.Р , Саттаров Т.А. Проблема обеспечения финансовой стоимости предприятий. Монография. - Т.: «Шарк», 2011. - 239 с.; Карлибаева Р.Х. Акциядорлик жамиятларида молиявий менежмент тизимини самарали ташкил этиш йўллари. Монография. - Т.: LESSON PRESS. – 174 б. (252 б.); Хамидуллин М.Б. Повышение инвестиционной привлекательности и активизация участия акционерных обществ на рынках капитала // Новые тенденции в экономической науке и образовании. - М.: Монография, 2014. - 148 с.; Карлибаева Р.Х. Акциядорлик жамиятларида молиявий менежмент тизимини самарали ташкил этиш йўллари. Монография. - Т.: LESSON PRESS, 2018 й. - 66-71 бетлар; Шарифходжаева К.У. Направления дальнейшего развития кредитования и предоставления банковских услуг в Республике Узбекистан. Молодой учёный, 2016. - №13. - 546 с.; Саттаров Т.А. и др. Проблемы обеспечения финансовой стабильности предприятий. - Т.: «SHARQ», 2011. - 232 с.; Курбонов Х.А. Корпоративные финансы. - Т.: Iqtsod-moliya, 2007. - 184 с.; Элмирзаев С.Э. Организационные характеристики и вопросы совершенствования дивидендной политики. Электронный журнал. «Международные финансы и бухгалтерский учет». 2016. №2.

асослари ва услубиятларини такомиллаштириш» мавзусидаги илмий-тадқиқот ишлари режаси билан боғлиқ ҳолда бажарилган.

**Тадқиқотнинг мақсади** корхоналарда фойданинг шаклланиши ва тақсимланишини бошқариш тизимини такомиллаштириш бўйича таклиф ва тавсиялар ишлаб чиқишдан иборат.

**Тадқиқотнинг вазифалари:**

«фойда» категориясига оид иқтисодий мактаб намоёндаларининг назарий талқинларини тадқиқ қилиш, умумлаштириш асосида фойдани бошқаришнинг замонавий концепцияларини тизимлаштириш;

замонавий шароитга мувофиқ акциядорлик жамиятларида фойдани бошқаришнинг мақсади, вазифалари, умумий ва хусусий тамойилларини тавсифлаш;

соф фойдани самарали шаклланишида акциядорлик жамиятларининг актив ва пассивларни мувозанатли бошқаришга бўлган таъсирини комплекс баҳолаш;

акциядорлик жамиятларида фойдани шаклланиш манбалари ва уни бошқариш амалиётини таҳлил қилиш;

операцион фойда омилининг акциядорлик жамиятлари реал бозор қийматига таъсирини тадқиқ қилиш ва баҳолаш моделини ишлаб чиқиш;

акциядорлик жамиятларида фойдани бошқариш тизимини такомиллаштириш ҳамда дивиденд сиёсатини оптималлаштириш бўйича таклиф ва тавсияларни тизимлаштириш.

**Тадқиқотнинг объекти** сифатида «Янгийўл ёғ-мой» акциядорлик жамияти фаолияти олинган.

**Тадқиқотнинг предмети** акциядорлик жамиятларида фойданинг шаклланиши ва тақсимланишини бошқариш жараёнида юзага келадиган иқтисодий муносабатлар ҳисобланади.

**Тадқиқот усуллари.** Тадқиқот жараёнида илмий билишнинг илмий абстракциялаш, кузатиш, гуруҳлаш, таққослаш, корреляцион, регрессион

таҳлил ва иқтисодий-математик моделлаштириш каби назарий ҳамда эмпирик усулларидадан фойдаланилган.

**Тадқиқотнинг илмий янгилиги** қуйидагилардан иборат:

жорий активлар таркибидаги дебиторлик қарзлар ҳолати ва пул маблағлари сарфини оптималлаштириш, муомала фондларини камайтириш асосида молиявий эксплуатацион эҳтиёжларни минималлаштириш орқали акциядорлик жамиятлари рентабеллигини ошириш таклифи асосланган;

“Янгийўл ёғ-мой” акциядорлик жамиятида соф фойданинг йиллик ўсиши ( $T_{cf}$ ), маҳсулот реализациясидан тушумнинг йиллик ўсиши ( $T_m$ ) ва активларнинг йиллик ўсиши ( $T_a$ ) ўртасидаги ўзаро функционал боғлиқликнинг  $T_{cf} > T_m > T_a > 100$  қоидасига мувофиқлигини таъминлаш бўйича тавсиявий меъёрлари таклиф этилган;

узок муддатли шартномаларда даромадларни амалдаги тахминий маълумотномалар асосида эмас, бевосита бажарилган ишлар (натижалар) даражаси ҳамда амалга оширилган харажатлар (сарфланган ресурслар) ҳиссаси асосида аниқлаш таклиф этилган;

акциядорлик жамиятларида дивиденд тўлаш амалиётини «тизимли парадигма», «дивиденд ва реинвестиция коридори», «соф фойда базаси ва тўловлар частотаси» ва «ахборотлар шаффофлиги» мезонлари асосида баҳолашнинг мақсадга мувофиқлиги асосланган.

**Тадқиқотнинг амалий натижалари** қуйидагилардан иборат:

жорий активлар таркибида муомала фондларини камайтириш орқали молиявий эксплуатацион эҳтиёжларни камайтириш натижасида жорий мажбуриятларни қисқартириш пировардида соф фойдага салбий таъсир этувчи молиявий харажатларни қамайтириш бўйича амалий тавсиялар берилган;

соф фойда кўрсаткичи негизида интенсив иқтисодий ўсишни тушум ва активларнинг йиллик динамик ўсиши орқали таъминлашга қаратилган бошқарув қарорларини қабул қилиш модели асосида самарали молиявий бошқарувнинг оптимал мезонлари ишлаб чиқилган;



ички молиявий захиралар ҳисобига активлар ва тушумнинг ошиш коэффициентини ошириш бўйича амалий тавсиялар ишлаб чиқилган ҳамда ҳамда рентабелликни оптимал бошқариш блок-схемаси тизимлаштирилган;

стратегик контекстда фойдани оширишнинг мувозанатли кўрсаткичлар билан уйғунлашган ҳолда фойдани комплекс бошқариш тизими элементлари ҳамда акциядорлик жамиятларида самарали дивиденд сиёсатининг алгоритми блок-схемалари такомиллаштирилган.

**Тадқиқот натижаларининг ишончлилиги.** Тадқиқот натижаларининг ишончлилиги Ўзбекистон Республикаси Молия вазирлиги, Давлат солиқ қўмитаси, Давлат статистика қўмитасининг расмий маълумотларидан фойдаланилганлиги, ишда қўлланилган ёндашув ва усулларнинг мақсадга мувофиқлиги ҳамда илмий асосланганлиги, келтирилган хулоса, таклиф ва тавсияларнинг Ўзбекистон Республикаси Ёғ-мой саноати корхоналари уюшмаси томонидан амалиётга жорий қилинганлиги билан белгиланади.

**Тадқиқот натижаларининг илмий ва амалий аҳамияти.** Тадқиқот натижаларининг илмий аҳамияти унда акциядорлик жамиятларида фойдани бошқариш тизимини такомиллаштиришга оид янги илмий концепциялар, таклифлар тизимлаштирилганлиги ва улардан илм-фан тараққиётига хизмат қилувчи илмий тадқиқотлар учун илмий-назарий манба сифатида фойдаланиш имкониятлари мавжудлиги билан белгиланади.

Тадқиқот натижаларининг амалий аҳамияти унда тизимлаштирилган амалий тавсиялардан корхоналар фойдасини самарали бошқаришга оид корхоналарнинг иқтисодий ривожланиш дастурлари ва тегишли норматив-ҳуқуқий ҳужжатларни ишлаб чиқишда муҳим амалий аҳамиятга эга услубий манба сифатида фойдаланиш мумкинлиги билан изоҳланади.

**Тадқиқот натижаларининг жорий қилиниши.** Корхоналарда фойданинг шаклланиши ва тақсимланишини бошқариш тизимини такомиллаштириш бўйича ишлаб чиқилган таклифлар асосида:

жорий активлар таркибидаги дебиторлик қарзлар ҳолати ва пул маблағлари сарфини оптималлаштириш, муомала фондларини камайтириш

асосида молиявий эксплуатацион эҳтиёжларни минималлаштириш орқали акциядорлик жамиятлари рентабеллигини ошириш бўйича таклиф «Янгийўл ёғ-мой» АЖ фаолиятини 2021 йилда янада ривожлантиришга оид чоратadbирлар режасини ишлаб чиқишда ва «АЖнинг 2021-2022 йилларга мўлжалланган тараққиёт дастури»ни тузишда фойдаланилган. (Ўзбекистон Республикаси Ёғ-мой саноати корхоналари уюшмасининг 2021 йил 16 июндаги КС/1-601-сон маълумотномаси). Натижада, дебиторлик қарзлар ва пул маблағларига жорий эҳтиёждан ортиқча резервларни қисқартириш ҳисобига пассивлар таркибида жорий кредиторлик қарзларини 2019 йилда 51,1 фоизга, номинал мазмунда 3,65 млрд. сўмга қисқартиришга эришилган;

соф фойданинг йиллик ўсиши ( $T_{cf}$ ), маҳсулот реализациясидан тушумнинг йиллик ўсиши ( $T_m$ ) ва активларнинг йиллик ўсиши ( $T_a$ ) ўртасидаги ўзаро функционал боғлиқликнинг  $T_{cf} > T_m > T_a > 100$  қоида­сига мувофиқлигини таъминлаш бўйича таклиф «Янгийўл ёғ-мой» АЖ бошқарув қарорига киритилган. (Ўзбекистон Республикаси Ёғ-мой саноати корхоналари уюшмасининг 2021 йил 16 июндаги КС/1-601-сон маълумотномаси). Бунинг натижасида, 2020 йилдан бошлаб корxonанинг бизнес стратегиясида тушумнинг ошишини таъминловчи янги маҳсулотлар ишлаб чиқариш ва сотиш бозорини ўзлаштириш бўйича махсус дастур ишлаб чиқилган;

узoқ муддатли шартномаларда даромадларни амалдаги тахминий маълумотномалар асосида эмас, бевосита бажарилган ишлар (натижалар) даражаси ҳамда амалга оширилган харажатлар (сарфланган ресурслар) ҳиссаси асосида аниқлаш бўйича таклифи «Янгийўл ёғ-мой» акциядорлик жамияти ҳисоб сиёсатига жорий қилинган. (Ўзбекистон Республикаси Ёғ-мой саноати корхоналари уюшмасининг 2021 йил 16 июндаги КС/1-601-сон маълумотномаси). Бу таклифни амалиётга жорий этиш орқали, 2019 йилда автономия коэффи­циенти 0,76 ни ташкил қилган бўлиб, белгиланган норматив кўрсаткичдан 0,06 га юқори бўлиши ва молиялаштириш коэффи­циенти 3,11 ни ташкил қилиб, норматив кўрсаткичдан 2,11 га юқори бўлишига эришилган.

Натижада корхоналарда тушумларни бажарилган ишларга мутаносиб равишда тан олиш имкониятини берган;

акциядорлик жамиятларида дивиденд тўлаш амалиётини «тизимли парадигма», «дивиденд ва реинвестиция коридори», «соф фойда базаси ва тўловлар частотаси» ва «ахборотлар шаффофлиги» мезонлари асосида баҳолаш бўйича таклифи «Янгийўл ёғ-мой» акциядорлик жамиятига жорий этилган (Ўзбекистон Республикаси Ёғ-мой саноати корхоналари уюшмасининг 2021 йил 16 июндаги КС/1-601-сон маълумотномаси). Мазкур таклифни амалиётга жорий этиш натижасида, оддий акциялар бўйича барқарор дивиденд тўлаш амалиёти жорий қилиниб, 2019 йилдаги фаол дивиденд сиёсати натижасида битта оддий акциялар бўйича тўланган дивиденд 237,7 сўмни, яъни акциялар номинал қийматиغا нисбатан 84,95 фозини ташкил қилган.

**Тадқиқот натижаларининг апробацияси.** Тадқиқот натижалари 9 та, жумладан 4 та республика ва 5 та халқаро илмий-амалий анжуманларда муҳокамадан ўтказилган.

**Тадқиқот натижаларининг эълон қилинганлиги.** Диссертация мавзуси бўйича жами 17 та илмий иш, жумладан, Ўзбекистон Республикаси Олий аттестация комиссиясининг докторлик диссертациялари асосий илмий натижаларини чоп этиш тавсия этилган илмий нашрларда 8 та илмий мақола, бундан 1 таси хорижий журналларда нашр этилган.

**Диссертациянинг тузилиши ва ҳажми.** Диссертация таркиби кириш, учта боб, тўққизта параграф, хулоса, фойдаланилган адабиётлар рўйхати ва иловалардан иборат. Диссертация ҳажми 160 бетни ташкил этади.